

## 101. FITXA 2025ean gazteen mugikortasunerako edo trukerako jarduerak garatzeko dirulaguntzak

**Nori zuzendua:** Euskal Autonomia Erkidegoan egoitza duten irabazi-asmorik gabeko pertsona juridikoek, publiko zein pribatuek.

**Sarbide-esteka:** [Gazte-taldeen arteko mugikortasun eta elkartrukerako jarduerak garatzeko dirulaguntzak \(2025\) - Eusko Jaurlaritza](#)

**Erreferentziazko araudia:** [AGINDUA, 2025eko otsailaren 14koa, Ongizate, Gazteria eta Erronka Demografikoaren sailburuarena, 2025ean gazteen mugikortasunerako edo trukerako jarduerak garatzeko dirulaguntzen deialdia egiten eta dirulaguntzak emateko araubidea ezartzen duena](#)

**Eremuak:** Gazteria

**Zenbatekoa:** 145.000 €

**Eskabideak aurkezteko epea:** 2025/04/22

### Laburpena

Honako eremu hauetan egiten diren jarduera zehatzak eta urteko programak lagundu ahal izango dira:

- a) Gazte-taldeen arteko **mugikortasun eta trukerako jarduerak**.
- b) Gazte-taldeen arteko mugikortasun eta trukearekin loturiko **lurraldez gaindiko sustapen, zabalkunde edo prestakuntza jarduerak**.

### Diruz lagundu daitezkeen jarduerak

- a) **Gazte-taldeen arteko mugikortasun eta trukerako jarduerak:** Euskal Autonomia Erkidegoko eta Europar Batasuneko gazte-taldeen artean egiten direnak, betiere honako baldintza hauek betetzen badituzte:
  - Jardueren hartzaileak **12 eta 30 urte bitarteko gazteak** izatea.
  - **Interes orokorreko gaiak izatea, garrantzitsuak parte hartzaileentzat.** Jardueren gai-kontzeptuak argia behar du izan, parte hartzaileek batera lantzeko erakargarria. Gaia adostasunez aukeratu behar da, eta parte hartzaileen interesak eta beharrak bildu behar ditu. Gaia gazte-trukaketaren eguneroko jardueretan islatu behar da.

- **Ikaskuntza ez-formalaren metodoak aplikatzea.** Jarduerak gaitasunak eskuratzea edo hobetzea izango dute helburu (ezagutza, trebetasunak eta jarrerak), hartara garapen pertsonala, gizarte-heziketakoa eta profesionala lortzeko, ikaskuntza ez-formal eta informalaren bitartez. Jardueren abiapuntuan, sormena, parte hartze aktiboa eta ekimena (gogo ekintzailea) sustatuko dituen ikaskuntza-prozesua egongo da. Ikaskuntza-prozesu hori mugikortasun edo trukeerako jarduera osoan zehar planifikatu eta aztertu behar da: hausnarketarako espazio bat eskaini behar zaie parte hartzaileei, ikaskuntzarekin loturiko esperientziez eta emaitzez gogoeta egiteko.
  - **Parte hartzaileen inplikazio aktiboa proiektuan.** Eguneroko jarduera-programak eta lan-metodoek ahalik eta inplikaziorik handiena sorrarazi behar dute parte hartzaileen artean, eta ikaskuntza-prozesurako akuilua izan. Parte hartzaileak inplikatuta egongo dira, baita ere, proiektua prestatzeko eta ebaluatzeko faseetan.
  - **Parte hartzaileen garapen soziala eta kulturala sustatzea.** Jarduerak lagundu egin behar diete parte hartzaileei beren buruan ziurtasuna izaten, horrela esperientzia, jarrera eta jokamolde berriei aurre egiteko; eta lagundu behar diete beren garapen soziala edo pertsonala sendotuko duten trebetasunak, gaitasunak eta ezagutza eskuratzen edo lantzen.
  - **Kultura-artekotasuna.** Mugikortasun eta trukeerako jarduerak gazteek beste kultura batzueganako duten sentiberatasun positiboa areagotu behar dute, eta ingurune eta kultura ezberdinetatik datozen gazteen arteko elkarrizketa eta kultura-arteko elkarguneak bultzatu behar dituzte. Horretaz gainera, laguntza eman behar dute aurreiritziak, arrazismoa eta bazterkeriak prebenitzen eta horiei aurre egiten, eta, aldiz, tolerantzia eta dibertsitatearen ulerbideak zabaltzen.
  - **Europartasuna eta nazioartekotasuna.** Mugikortasun eta trukeerako jarduerak balio behar dute gazteen hezkuntza-prozesua indartzeko eta haiek bizi diren ingurumari europarrarekiko eta nazioartekoarekiko kontzientziarioa handitzeko.
  - **Iraupena.** Trukaketa-jarduera bakoitzaren iraupena (bai joanekoa, bai harrerakoa) 6 eta 21 egun artekoa izango da, egun jarraituak alegia. Horretan ez dira zenbatuko prestakuntza-egunak, trukaketaren helmugarainoko bidaia, ezta jarduerak ebaluatzeko fasekoak ere.
  - **Parte hartzaileen kopurua.** Talde bakoitzetik gutxienez 6 partaide egongo dira, eta gehienez 15. Dena den, gehieneko kopurua beti izango da 60koa. Talde bakoitzak, gainera, monitore bat izango du gutxienez; monitore-kopurua, baina, gehienez ere bat lau pertsonako izango da, salbu eta parte hartzaileen baten beharrezan espezifikoa direla eta monitore gehiago behar direla justifikatzen bada.
- b) **Gazte-taldeen arteko mugikortasun eta trukearekin loturiko lurraldez gaindiko sustapen, difusio edo prestakuntza jarduerak:** EAEn egiten diren mintegi, prestakuntza-ikastaro edo zabalkunde-kanpainak, baldin eta hartzaileen artean etorkizunean bestelako mugikortasun edo truke proiektuak egiteko xedea badute. Jarduera horiek lurraldez gaindikoak izango dira, hau da, Lurralde Historiko bateko baino gehiagoko hartzaileak izango dituzte jomuga. Hori dela eta, ustekabe hutsez Lurralde Historiko bateko baino gehiagoko parte hartzaileak egoteak berak ez du esan nahi jarduerak lurraldez gaindikotzat har daitezkeenik.

## Laguntzen zenbatekoa

Onartutako aurrekontuan diruz lagun daitezkeen gastuaren **% 80ra** artekoak izan ahalko dira deialdi honen babespean ematen diren dirulaguntzak.

Entitate eskatzaile bakoitzari emandako dirulaguntzen guztizkoa ezingo da izan **50.000 eurotik** gorakoa.

## Intereseko beste alderdi batzuk

**Udalei dagokienez**, onuradun izateko, **bikoiztasunik ezari eta finantza-iraunkortasunari buruzko aldeko txostenak** eskuratu beharko dituzte, udal-eskumenen klausula unibertsalaren ondoriozko jardueren, zerbitzuen edo prestazioen egikaritzea arautzen duen ekainaren 25eko 93/2019 Dekretuaren arabera.

**Mankomunitateen eta toki-erakundeen beste elkarte-formula** batzuen kasuan, txosten horiek, lehen adierazi den moduan, horiek osatzen dituzten udal guztiei dagokienez lortu beharko dira.